

# Drie Berge Brits

**Weereens** was hierdie 'n heerlike naweek by ons gewilde oord, Drie Berge Brits.

**Dit** het afgeskop met 'n paar lede wat reeds vanaf Woensdag kom uitspan en visgevang het, waarna die naweek op gebruikelike wyse begin is met 'n pragtige boekevat boodskap deur Oom Daan en Oom Mynhardt – baie dankie julle. Vier pragtige vure is aangesteek om al die verskillende vleisdisse, mielies en selfs groentes gaar te braai. Marietjie het gesorg vir 'n smaaklike brood- en konfyttafel wat vinnig-vinnig klaargemaak is. Daar is vroeg gaan slaap en ook selfs tot laataand gekuier.

**Saterdagoggend** is lui-lekker begin deur 'n paar kranige stappers wat die pad (of is dit nou die veld) gevat het en maar moegerig en honger eers hier by 10:00 terug was, reg vir 'n ontbyt....Wim het baie fluks gehelp om 'n lid se woonwa kragdraad reg te maak (so tussen ons die oom wou net kamp en het so ewe vergeet om die prop uit te trek).

**Lede** wat nie kon kom kamp nie, het ons kom verras en Saterdag kom kuier – baie dankie Jaco, Trix, Pieter, Magdaleen en kinders vir jul verrassing, ek dink die oumas was die meeste bly om die kleinkinders te kon sien. Saterdagoggend is afgesluit met boekevat (gehanteer deur Tamara Kahts), rugby en stewige buurmanbraaie.

**Sondagoggend** se diens is oudergewoonte gehanteer deur ons eie Ds. Marnette waarna afsluiting en afkondigings gedoen is.



**Terugvoer** oor Horison Sorg Sentrum aksie is deur Hennie verskaf waarna lede versoek is om volgende werksessies by te woon.

**Beskikbare** bestuursposte vir 2012/2013 is bespreek .

**Kampbywoning** - 20 waens, met 5 gaste.

**Aansporingsplaatjies** is uitgedeel aan Johann en Elsabe Grobler (Streek 180) asook Willem en Sonja de Jongh (Algemeen 25).

**Verskeie lede** is gelukkigewens met hul huweliksherdenkings en verjaarsdae.

**Presidente** (05/04/2012) asook **Weesgerus** (04/05/2012) is bespreek as volgende 2 kampe.

**Die beplande senior burger naweek** in Oktober 2012 moet gewysig word en lede stem saam dat dit in November by Klein Paradys gedoen moet word. Die vooraf Senior week sal dus geskuif word na Drie Berge. Hierdie skuif is genoodsaak aangesien heelwat seniors wat die Kongres gaan bywoon, dan nog op toer is. Drie Berge het weereens vir ons 'n gratis naweek gegee en die gelukkige trekking is deur Johan en Annien Kriel (gaste) gewen.

**Die naweek** is afgesluit met 'n pragtige gebed deur Hans en daarna 'n gesamentlike kermis-poedingtafel, nodeloos om te vermeld dat daar 2 tafels nodig was – baie dankie aan almal wat poedings geskenk het, die kas is versterk met R630.....



Die poedingtafel het groot aftrek gekry.... lekker!

Regs: Hennie oorhandig  
aan Johann en Elsabe hul  
180 streeksplaatjie.



Links: Willem en Sonja  
ontvang hul 25 algemene  
aansporings-plaatjie vanaf  
Hennie (links).

Besoekers vlnr: Stephan en  
Charmaine van Eeden, Johan  
en Annien Kriel, Danie en  
Riana Bredell, Willie en Elreza  
Pienaar, Susan, Fanie en  
Elzette Jacobs.



A photograph of a man and a girl fishing by a river. The man is sitting in a blue folding chair on the left, wearing a striped shirt and a hat. The girl is standing on the right, wearing a red shirt and a pink hat, holding a fishing rod. They are on a grassy bank next to a river with a wooden bridge in the background. A speech bubble is positioned above the girl.

Daan: Ek is seker dis in daardie riete waar die grote wegkruip!

*“As ek die hemel aanskou, die werk van u vingers, die maan, en die sterre waaraan U ‘n plek gegee het, wat is die mens dat U aan hom sou dink, die mensekind dat U na hom omsien”  
(Ps 8.4-5).*

# ***Foil Forever***

Verskaffers van die nuwe generasie

## **ALUMINIUM SEILE / AWNINGS**



**Tel: 083 654 6549**

**Email: foil@tinel.co.za**

Hou ons web bladsy dop vir ons nuwe produkte

[www.tinel.co.za](http://www.tinel.co.za)